

## 硬筆組 初賽試題

### 小學組：

1.子曰：「學而不思則罔，思而不學則殆。」《論語·為政》

2.《望月懷遠》張九齡

海上生明月，天涯共此時。

情人怨遙夜，竟夕起相思。

滅燭憐光滿，披衣覺露滋。

不堪盈手贈，還寢夢佳期。

### 初中組：

1.孟子曰：「富貴不能淫，貧賤不能移，威武不能屈，此之謂大丈夫。」《孟子·滕文公下》

2.《黃鶴樓》崔顥

昔人已乘黃鶴去，此地空餘黃鶴樓。

黃鶴一去不復返，白雲千載空悠悠。

晴川歷歷漢陽樹，芳草萋萋鸚鵡洲。

日暮鄉關何處是？煙波江上使人愁。

## 高中組：

1. 子曰：「君子有三戒：少之時，血氣未定，戒之在色；及其壯也，血氣方剛，戒之在鬥；及其老也，血氣既衰，戒之在得。」  
《論語·季氏》

## 2. 陸游〈金錯刀行〉節錄

黃金錯刀白玉裝，夜穿窗扉出光芒。

丈夫五十功未立，提刀獨立顧八荒。

京華結交盡奇士，意氣相期共生死。

千年史冊恥無名，一片丹心報天子。

爾來從軍天漢濱，南山曉雪玉嶙峋。

嗚呼！楚雖三戶能亡秦，豈有堂堂中國空無人！